

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 453965 23 St
Tuzla, 06.06.2024. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „PEKARA IMIDŽ“ d.o.o. Lukavac, ul. Alekse Šantića bb, Lukavac, sa podružnicom „PEKARA IMIDŽ“ d.o.o. Lukavac, PJ br. 1 „GOOD FOOD IMIDŽ“ Lukavac, ul. Sarajevska br. 5, Lukavac, nakon provedenog stečajnog postupka, donio je dana 06.06.2024. godine sljedeće:

RJEŠENJE

OTVARA SE stečajni postupak nad imovinom dužnika „PEKARA IMIDŽ“ d.o.o. Lukavac, ul. Alekse Šantića bb, Lukavac, sa podružnicom „PEKARA IMIDŽ“ d.o.o. Lukavac, PJ br. 1 „GOOD FOOD IMIDŽ“ Lukavac, ul. Sarajevska br. 5, Lukavac, matični broj subjekta 32-01-0155-20, JIB; 4210424390002, račun broj; 1610000247990017 otvoren kod Raiffeisen bank dd BH Sarajevo.

Za stečajnog upravnika imenuje se Fahrudin Arapčić iz Lukavca.

ZAKLJUČUJE SE stečajni postupak nad imovinom dužnika „PEKARA IMIDŽ“ d.o.o. Lukavac, ul. Alekse Šantića bb, Lukavac, sa podružnicom „PEKARA IMIDŽ“ d.o.o. Lukavac, PJ br. 1 „GOOD FOOD IMIDŽ“ Lukavac, ul. Sarajevska br. 5, Lukavac, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 453965 23 St od 08.01.2024. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „PEKARA IMIDŽ“ d.o.o. Lukavac, ul. Alekse Šantića bb, Lukavac, sa podružnicom „PEKARA IMIDŽ“ d.o.o. Lukavac, PJ br. 1 „GOOD FOOD IMIDŽ“ Lukavac, ul. Sarajevska br. 5, Lukavac, a za privremenog stečajnog upravnika imenovana je Fahrudin Arapčić iz Lukavca, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 25.01.2024. godine. Iz izvještaja privremenog stečajnog upravnika i navoda datih na ročištu proizilazi da je društvo prestalo sa radom krajem 2021. godine, a da su računi društva blokirani od 17.12.2021. godine kada je nastupila platežna nesposobnost društva. Iz knjigovodstvene evidencije u koje je privremeni stečajni upravnik izvršio uvid proizilazi da društvo ima obaveze u iznosu od 19.985,00 KM i to prema PU F BiH, s tim da je PU F BiH dostavila obavijest prema kojoj potraživanja iznose 20.154,08 KM. Društvo u vlasništvu nema nepokretne imovine, društvo nema pokretnih stvari niti novčanih sredstava, a nema ni bilo koje druge imovine koja bi se mogla unovčiti.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka (prijedlog podnesen 17.10.2023. godine).

Dakle, sud nalazi da je podneseni prijedlog dopušten i da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 12.02.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 17/24 dana 06.03.2024. godine, oglasnoj tabli suda dana 19.02.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.